

Fair Pay Agreements



O Ā Maliega mo Totogi Talafeagai?

O Maliega mo Totogi Talafeagai, o se auala fou lea mo kamupani ina ia faia ai se maliega tutusa mo mataupu e lagā na i lo le faatū lava e le kamupani ia o lana maliega. O le a mafai e tagata faigaluega ona faaleo o latou manatu e tusa ma se faatulagaga faataatia o loo tutusa uma ai kamupani mo mea e faaleleia. O Maliega mo Totogi Talafeagai e mafai ona faaleo atu ai e tagata faigaluega o latou manatu i le kamupani. O le faanaunaga ia faia mea ma le tonu.

Aogā mo tagata faigaluega.

O totogi e talafeagai lelei ma le galuega, e aogā tele mo tagata faigaluega, o o latou aiga, ma le komiuniti atoa. E mafai e tagata faigaluega o se kamupani atoa ona finauina nei faafitauli o loo laugatasia uma ai i latou i le taimi e tasi, nai lo le finauina lava e tagata taitoatasi po o se vaega o tagata se mataupu ma se falefaigaluega lea e masani ona leaga le totogiina o galuega.

O Maliega mo Totogi Talafeagai o le a siitia ai totogi. Ae e lē na o totogi e aofia ai.

E eseese falefaigaluega ma tulaga e mana'omia, e pei o agavaa talafeagai, o le umi e faigaluega ai pea, ma le tulaga soifua mālōlōina ma le malupuipua. E mafai foi ona faailoa uma atu nei mana'oga i Maliega o Totogi Talafeagai, ina ia faia lelei ma malupuipua tagata faigaluega uma.

Aogā mo Tagata Uma.

Ua lipotia mai e nisi o pisinisi ua lē mafai ona latou ofoina atu ni totogi maua luga mo galuega ona o nisi o kamupani ua latou ofoina nei galuega i se tau taugofie ae vave ona leaga oloa na gaosia ma lē umi ona aogā. E mafai ona faamatalaina lenei faiga o se 'tauvaga mo galuega e pa'ū le tau' – o le uunaiga ia itiiti se tau e totogiina mo galuega. Ina ia faaititia le tulaga mativa ma le lē tutusa o le tulaga o tagata i Niu Sila, e manaomia le faia o se tulafono. O le faia o se maliega tutusa mo Kamupani uma e faaaua atu i le Maliega mo Totogi Talafeagai e aveesea ai le ofoina atu o galuega i se totogi pau maua. O lona uiga o le a lē toe faalavelave ma faalēaogaina e falefaigaluega fai mea lē tonu ia kamupani lelei o loo mananao e totogi sao ma fai lelei a latou tagata faigaluega. O lona uiga o le a faavae le mauaina o galuega a pisinisi i le auala sili e faia ai se auaunaga, le tualga lelei e faataunuu ai se galuega, le anagatā ma le lelei o se oloa na gaosia, na i lo le tau taugofie na faataunuu ai se galuega.

O le ā le auala e maua ai e le matou kamupani ia Maliega mo Totogi Talafeagai?

O le lafo faatū o Maliega mo Totogi Talafeagai e le'i avea ma Tulafono i le taimi nei, o loo iloiloaina e le komiti filifilia. Pe a avea ma tulafono i le faai'uga o le tausaga 2022, o le a mana'omia e le luni o se Kamupani ona taumafai ia iai se aofaiga a itiiti mai o le 10% poo le 1000 o tagata faigaluega e latou te lagolagoina le Maliega mo Totogi Talafeagai.

Mo nisi faamatalaga ia asiasi atu i le makeworkfair.nz